

Na osnovu člana 3. stav 1. tačka e) i člana 7. stav 3. Zakona o finansiranju političkih stranaka („Službeni glasnik BiH“ br. 95/12), člana 55. i 104. Statuta općine Ilijaš – prečišćen tekst („Službene novine Kantona Sarajeva“ br. 20/09), te članova 29. i 99. Poslovnika o radu Općinskog vijeća Ilijaš („Službene novine Kantona Sarajeva“ br. 2/10), Općinsko vijeće Ilijaš na svojoj _____ sjednici održanoj _____. 20___. godine, donijelo je :

O D L U K U

o finansiranju parlamentarnih grupa u Općinskom vijeću Ilijaš

Član 1.

Ovom Odlukom uređuje se način finansiranja parlamentarnih grupa koje imaju svoje vijećnike u Općinskom vijeću Ilijaš i samostalnih vijećnika.

U smislu ove Odluke parlamentarnu grupu formiraju političke stranke, koalicije i liste nezavisnih kandidata koje su ostvarile mandate u Općinskom vijeću.

Član 2.

Sredstva za finansiranje parlamentarnih grupa osiguravaju se Budžetom općine Ilijaš za svaku fiskalnu godinu.

Član 3.

Raspored sredstava parlamentarnim grupama vrši se na način da se :

- 30 % ukupnih sredstava rasporedi u jednakim iznosima na sve parlamentarne grupe;
- 60 % srazmjerno broju vijećničkih mandata koje svaka parlamentarna grupa ima u trenutku obračuna sredstava
- 10 % ukupni sredstava raspoređuje parlamentarnim grupama srazmjerno broju poslaničkih mjesta koja pripadaju manje zastupljenom spolu.

Član 4.

Obračun sredstava po parlamentarnim grupama vršiti će se na osnovu broja vijećnika po parlamentarnim grupama u trenutku vršenja obračuna, a na osnovu izvještaja Sekretara Općinskog vijeća o konstituisanju parlamentarnih grupa.

Parlamentarne grupe i samostalni vijećnici samostalno odlučuju o načinu raspolaganja korištenju sredstava, a dužne su da podnesu godišnji izvještaj o utrošku i namjeni sredstava Službi općinskog vijeća i općinskog načelnika, radi uvida i proslijeđivanja nadležnim organima.

Član 5.

Ukoliko pojedini vijećnik nakon konstituiranja Općinskog vijeća napusti parlamentarnu grupu sa čije kandidacione liste je izabran, finansijska sredstva iz člana 3. koja se odnose na mandat izabranog vijećnika preno se na parlamentarnu grupu kojoj je pristupio.

Samostalnom vijećniku koji nije pristupio niti jednoj parlamentarnoj grupi pripada srazmjeran dio sredstava od 60 % raspoređenih shodno broju vijećničkih mandata.

Promjena obračuna u slučajevima definisanim stavom 1. i 2. ovog člana vršit će se od prvog narednog mjeseca od dana nastale promjene u strukturi parlamentarnih grupa.

Član 6.

U toku izbornog mandata Općinskog vijeća ne može se vršiti finansiranje parlamentarnih grupa proisteklih iz političkih subjekata koji nisu osvojili mandate za aktuelni saziv u Općinskom vijeću.

Ako u toku izbornog mandata Općinskog vijeća neka parlamentarna grupa ostane bez mandata vijećnika, prestaje finansiranje te parlamentarne grupe od prvog narednog mjeseca po izlasku posljednjeg vijećnika iz te parlamentarne grupe. Sredstva od takve parlamentarne grupe u iznosu od 30 % ulaze u raspodjelu za ostale parlamentarne grupe koje imaju vijećnike, a preostalih 60 % vežu se za samostalne vijećnike koji su napustili parlamentarnu grupu.

Ukoliko parlamentarna grupa do kraja izbornog mandata Općinskog vijeća ponovo postane aktivna dodjelom mandata od strane Centralne izborne komisije, nastavlja se finansiranje te parlamentarne grupe od prvog narednog mjeseca od dodjele mandata.

Član 7.

Služba za privredu, finansije i investicije Općine Ilijaš, promjenu obračuna rasporeda sredstava definisanih članom 5. i 6. ove Odluke vrši na bazi izvještaja Sekretara Općinskog vijeća.

Član 8.

Finansiranje parlamentarnih grupa u izbornoj godini za Općinsko vijeće vrši se zaključno sa mjesecom u kome se održavaju izbori odnosno finansiranje parlamentarnih grupa po ostvarenim izbornim rezultatima od prvog narednog mjeseca od održavanja izbora.

Član 9.

Sredstva za finansiranje parlamentarnih grupa doznaju se na žiro račune političkih stranaka, koalicija i listi nezavisnih vijećnika koje su formirale parlamentarnu grupu do stavljanja od strane rukovodnih tijela općinskih organizacija tih političkih subjekata.

Sredstva za parlamentarne grupe koju su u Općinskom vijeću formirale koalicije mogu se raspodijeliti na koalicione partnere shodno njihovom pismenom sporazumu.

Sredstva za samostalne vijećnike uplaćuju se na tekuće račune na kojima je osim imena prezimena naznačeno i samostalni vijećnik.

Član 10.

Do značavanja sredstava parlamentarnim grupama i samostalnim vijećnicima vršit će se mjesečno u jednakim iznosima, konigovanih eventualnim promjenama definisanih u članu 5. i 6. ove Odluke.

Obračun i doznacavanje sredstava po ovoj Odluci vrši Služba za privredu, finansije i investicije.

Član 11.

Donošenjem ove Odluke prestaju da važe odredbe Odluka o finansiranju parlamentarnih grupa u Općinskom vijeću Ilijaš br. 01/1-02-199-5/12 od 31.1.2012.godine, objavljene u „Službenim novinama Kantona Sarajevo br. 4/12“.

Član 12.

Ova Odluka stupa na snagu danom objavljivanja u „Službenim novinama Kantona Sarajevo“.

Broj : 01/1-_____
Ilijaš, __. __. 2015. godine

PREDSJEDAVAJUĆI
OPĆINSKOG VIJEĆA ILIJAŠ

Filipović Damir, s.r.

OBRAZLOŽENJE

Pravni osnovu za donošenje ovog akta nalazi se u članu 3. stav 1. tačka e) Zakonu o finansiranju političkih partija, kojim je propisano da :

„Politička stranka može se finansirati iz : budžeta BiH, u skladu sa članom 10. ovog zakona, entitetskih budžeta, kantonalnih budžeta i budžeta Brčko Distrikta BiH, te budžeta drugih jedinica lokalne uprave i samouprave u skladu sa zakonom“.

Nadalje članom 7. stav 3. istog zakona propisano je da :

Političkim strankama, odnosno koalicijama političkih stranaka sredstava iz stava (1) ovog člana raspodjeljuju se na način da :

- a) 30 % sredstava dijeli jednako svim političkim strankama, odnosno koalicijama političkih stranaka koje su osvojile mandate ;
- b) 60 % sredstava dijeli prema broju poslaničkih odnosno delegatskih mandata, koje svaka politička stranka, koalicija političkih stranaka, odnosno nezavisni kandidati u trenutku dodjele mandata ;
- c) 10 % od ukupnog iznosa raspoređuje parlamentarnim grupama srazmjerno broju poslaničkih, odnosno delegatskih mjesta koja pripadaju manje zastupljenom spolu ;

Članom 7. Stav 6. istog zakona propisano je da :

- Detaljan način raspodjele sredstava reguliraće Zajednička komisija za administrativne poslove.

Analogno navedenim odredbama, a obzirom da su donošenjem novog Zakona o finansiranju političkih stranaka prestale da važe odredbe ranijeg Zakona o finansiranju političkih stranaka („Službeni glasnik BiH“ br. 22/00, 102/09 i 54/10), u skladu sa kojim je donesena ranija Odluka o finansiranju parlamentarnih grupa u Općinskom vijeću, a kako Poslovníkom općinskog vijeća Ilijaš ne tretira ovu materiju, podnosimo prijedlog Odluke o finansiranju parlamentarnih grupa, te predlažemo Općinskom vijeću da istu usvoji.

Služba za privredu, finansije i investicije

PREDLAGAČ
OPĆINSKI NAČELNIK
Fazić Akif, dipl.ecc.